

52975.

B. C. D.
DISSERTATIONEM PHILO-
SOPHICAM

^{De}
**GENIO SO-
CRATIS,**

Suffragante ampliss. Facultate Philosoph.
in Regia Livonorum Academia

PRÆSIDE
VIRO Cl.
Dn. ANDREA Basmiroot/

Moral. & Civil. Prof. Ord.

Candido Eruditorum examini
submittit

S:z R:z M:tis Alumnus

CHRISTIANUS BREHMER/
Dorpatensis.

Die 1. Augusti An. MDCCVI.
in Audit. Majori.

PERNAVIAE,
A 5744 Excid. JOHANNES BRENDEKEN, Acad. Typogr.

i 31931133

VIRIS

Nobilissimis, Amplissimis, Consultissimis

Dn: Michaeli Dau,

Consuli Justitiae, Avunculo suo

Honoratissimo.

Dn: Samueli Chri-

stiano Heno,

Consuli Politiae.

Nec non

Spectatissimis & Prudentissimis

D. HENRICO DERENETHAL.

D. JOHANNI von DÖHREN.

D. SIGISMUNDO GRAS.

D. GEORGIO VOSBEYN.

D. GOTOFREDO SCHARNO.

D. HENRICO LÖWENSTEYN.

D. JACOB GUST. FRAUENSTEYN

D. HENRICO NAGEL.

Senatoribus Regiae Civitatis Pernaviensis

Fautoribus debita observantia prosequendis specimen hoc

Academicum dat, dicat, offert

Christianus Brehmer.

133



L. B.

Cogitanti mihi de profectione ad exteris Academias, e re omnino futurum videbatur, si ex more recepto dissertatiunculam quandam luci publicae relinquerem. De qua re cum essem sollicitus, quamvis multa eaque egregia in promptu essent, quorum explanatio utilitatem afferret minime contempnendam: mihi tamen praeceteris arriserunt, quae de Genio Socratis commentati sunt ex veteribus Plato, Xenophon, Plutarchus, Maximus Tyrus etc. ex recentioribus Marsilius Ficinus, & Clariss. Carpentarius. Ex quibus cum postremo loco memoratus Carpentarius singulari quodam studio, matriciam hanc pertractandam suscepit, ejusdem etiam nos methodum seu perspicuum ad modum sumus secuti. Ceterum si argumentum hoc, non ea, quam decebat, dignitate, exigua hac ac levi operâ fuerit expositum, veniam me facile ab aquo locatore consecuturum confido. Vale.

A2

I.N.J.

Nefferendo celebrandoq; Socrate, Apollinis oraculo omnium mortalium sapientissimo judicato, non est quod simus prolixiores, cum hæc sit Socratis gloria, ut nec laudibus aliorum crescat, nec virtuperiis malevolorum eidem quicquam detrahatur. Sufficiat cum *Tullio* (a) dixisse, Socratem eum fuisse, qui omnium Eruditorum testimonio, totiusq; *Judicio Gracie*, cum prudentia, & acumine, & venustate, subtilitate, tum vero eloquentia, varietate, copia, quam secundum in partem dedit, omnium fuit facile princeps. Natus est autem Socrates Athenis, & quidem si *Diogeni Laertio* credimus, septuagesimæ & septimæ Olympiadis anno quarto, Thargelionis mensis sexto, quo die Diana natam Delii tradunt. Pater ejus *Sophroniscus* dictus tenui homo fortuna, lapidicinam, & marmorariam exercuit artem. Matrem habuit *Phenaretam* obstetricem. Operam suam primum quidem *Anaxagore* dedit, sed cum disputationibus sublimioribus non admodum delectaretur, ad *Archelaum* se contulit, a quo *Ethices*, sive *Philosophia Moralis* præceptis fuit imbutus. Quemadmodum ipse in iis libris, qui de factis & dictis Socratis a Xenophonte scripti sunt, le per omnem vitam nihil aliud cogitasse indicat, quam quæ justa essent, quæ injusta, atque

atq; illis quidem operam sedulo dedisse, his se vero quam maxime abstinuisse. Ingenio fuit patientissimo, quippe eundem semper circum ferebat vultum, sive egredetur domo, sive rediret, mille etiam perturbationibus, rem publicam obruentibus. Militiam eum aliquoties fuisse secutum, Scriptores passim testantur.

Ceterum, quod omnes manere solet fatum, qui integritate vitæ aliis prælucere student, idem quoq; Socrates fuit expertus. Etenim senio jam confessus, ut paulo post tamen e vita ei esset excedendum, non potuit evitare calumnias adversariorum; qui virtutibus ipsius infensi, impiis contra eum insurgebant delationibus, quasi Deos communes non coleret, sed novos introduceret, cum se Dæmonem familiarem, cuius consilio in rebus agendis uteretur, habere dixisset. Nimirum, scriptores fere omnes, qui Socratis vitam nobis tradiderunt, ejusdemq; dicta facta & memorabilia literis consignarunt, uno ore fatentur, fuisse Socrati genium quandam familiarem, qui ei signum dederit, quoties aliquid esset intermittendum. Nos priusquam genii hujus in dolem penitus exutiamus, non ab re futurum existimamus, si, quot significacionibus genii vocabulum apud Romanos venire soleat, in antecessum demonstraverimus. Genius namque a gignendo ita dictus sententia veterum, uniuscujusq; est anima rationalis. Quosque nos Angelos dicimus, ethnici genios appellabant, existimantes, eos genituræ cujusq; præfecta esse numina. Non raro quoq; apud Auctores pro hospitalitatis, voluptatis

66
luptatis & naturæ DEO accipitur: Sunt, qui gratiæ, le-
poris ac venustatis cujusdam significationem habere
genium contendunt. Quibus leviter præmissis facilius
ex sequentibus constare cuivis poterit, cuinam signifi-
cationi Socratis quidem genius accedat proprius.

§. III.

Sed longus essem, & rem ardui susci-
perem negotii, si, quæ de genio Socratis tradide-
runt Philosophi veteres, ea heic referre vellem & si-
gillatim omnia attingere. Sufficit ea saltem delibasse,
quæ præcipuè huc facere, & obseruatu videntur dignis-
sima. Nimurum, quod fuerit genius quidam Socrati
familiaris, experientia docebat quotidiana, & varia, quæ
per hanc genium edebat effecta atq; signa testabantur.
Cum male ad Delium esset pugnatum, fugeretq; cum La-
chete & Alcibiade Socrates, dissuadebat illis, ne eādem,
qua ceteri, viâ pergerent; quippe deterreri se a DEO
dixit. Tum Iquidem illi, qui Socratis genio non
obtemperantes alia, quam ipse ducebat profici-
cebantur via, in hostium equitatum inciderunt, &
ab iisdem sunt trucidati. (b) Cum Athenienses Siciliam oc-
cupaturi, ingentem instruerent classem, expeditionem
hanc minus feliciter successuram Socrates prædixit. (c)
Quamvis cum egredieretur exercitus, judicium ipsi pla-
ne contrarium esset ferendum; Iquidem parum aberat,
quin, quem intenderant, feliciter obtinuissent scopum,
si initio statim Nicias Syracusas fuisset aggressus, nec ob-
sessis colligendi vires suas concessisset tempus. Timar-
chus,

(b) Plutarchus de demoniis Socratis, p. m. 581. l. c. d. Cicero
de divinatione, p. m. 376. (c) Vid. Plautus Iberae.

77
chus, & Philemon consilium iniverunt, de interficiendo
Nicia Hiroscamandri filio. Quæ conspiratio adeo erat
clandestina, ut præter illos, insidiarum nemo esset con-
scius. Aderat jam tempus, quo tantum scelus perpe-
trare in animum induxerant, cum surgenti atq; a cœna
abituro Timarcho, Socrates, qui forte convivio intere-
rat, & solitum a genio acceperat signum, discessum ami-
ce dissuaderet; Manebat ille; mox paululum commo-
ratus, flagrabat nimio abeundi desiderio, & accumben-
tibus, vos quidem bibite, inquit, me vero oportet aliorum
ire, redibo autem paulo post, si fuerit occasio; Sed
denuò cohibebat eum Socrates, ac ut maneret ei svade-
bat. Tandem se clanculum, cum mentem Socrates
aliò advertisset, ceteris surripuit. Verum, cum hoc ipsius
propositum ex animi sententia non succederet, & ad ne-
cem traheretur, se ideò mortem subire, Fratri suo Clito-
macho dixit, quod Socrati obtemperare noluerit. (d)
Neq; vero has genii sui operationes in rebus tantum ar-
duis declaravit, verum in levioribus etiam illæ sapientius
apparuerunt. Ambulabat enim aliquando cum ami-
cis Socrates, cum subito subsisteret, ac cæteris quoq; ut
gradum sisterent, persuaderet, commoratus aliquamdiu,
conversusq; per aliam vicum abiit, & Socios, qui præ-
cesserant, revocavit, indicans, se a genio monitum, ut
hac diverteret. Quidam autem Adolescentes, ut So-
cratis genium redarguerent, recta procedebant; Qui-
bus mox ingens turba suum occurrebat, cœno oppletarum,
quæ ob multitudinem sese prudentes, cum decependi
hominibus spaciū deesset, alios impetu suo postrave-
runt, alios fœdè admodum conspurcarunt. (e) Critoni in
(d) Conf. Plato ibidem p. 12.
(e) Vid. Plutarchus de demoniis Socratis p. 580. 1. d. agro

88
agro ambulantib; cum Socratem se revocantem non sequeretur, ramulus adductus, ut remissus est, in oculum recidebat, graviterq; eundem lœdebat. (f) *Charmides* cum Socrate aliquando communicabat, se ad Nemeæ certamina profecturum, & in stadio se exercitaturum esse; Simulac inciperet loqui, vox ei audita est; quare Socrates avertere eum ab instituto conatus est. Ille vero Socratis monitum contemnens, justam incredulitatis suæ postea dedit pœnam. (g) Hæc & alia hujusmodi exempla pasim apud Scriptores occurunt, & *Cicero* permulta ab *Antipatro* fuisse conjecta indicat. (h)

§. IV.

Ceterum de natura & indole hujus genii, mirum, quantum inter se dissentunt Scriptores veteres, qui hac in parte in diversas prorsus abeunt sententias. Sunt nimirum (ut præcipuorum circa hanc rem opiniones adducamus) qui existimant, per visiones & somnia Socratem de rebus futuris fuisse præmonitum. Sunt qui genium Socratis fuisse sternutationem, cum ipsius tum aliorum affirmant. Alio quidem sternutante a dextrâ, consuevit propositum suum exequi, si a sinistrâ fieret, intermisste. De ipsius sternutationibus, quæ fieret acturo aliquid, confirmasse ejus propositum, quæ inter agendum, inhibuisse. (i) *Apologetus* egregie admodum, & prolixe satis peculiari libello hac de re differit, existimatq; Spiritum Socratis familiarem nihil aliud quam genium ejus fuisse, qui, quamvis sit immortalis, tamen cum singulis hominibus quodammodo

(f) *Cicero lib. i. de divinat.* pag. 376. (g) *Plato l.c. p. 12.* (h) *Cicero L allegata.* (i) *Confer plutarchum l.c. p. 581.*

do gignitur, quem quidem non omnes eo modo familiarrem sibi haberent, & adjutorem, quemadmodum Socrates, Vir apprimè perfectus, quem cuivis amplissimo Numini sapientæ dignitatem cœquasse affirmat, Unde etiam addit, quod non tantum vocem aliquam audierit, verum etiam signa viderit manifesta; quid quod genium ejus se ipsum ei conspicendum præbuuisse juxta eorum opinionem statuat, qui Spiritus ejusmodi hominibus interdum apparere crediderunt. Verum enimvero, quis nescit, Socratem huic opinioni e diametro adversari, quippe qui mendacii omnes illos arguebat, qui divini quidquam se vidisse venditabant, & eos tantum audiendos esse putabat, qui nil præter vocem aliquam audivisse se tradiderunt. *Plato*, qui evidenter nobis præ ceteris quidem relationem hac de re tradit, certam fuisse vocem ait, quam audierit, quæ quoties ei obtigit, rem illam, quam parabat, non feliciter successoram, adeoq; intermittendam esse indica verit. Ita enim ipse: *Vox hæc, que mibi fit, semper ejus rei, quam facturus sum, dissuasionem innuit, provocat vero nunquam* (k) *Hinc Timarchi propositum male cœlurum judicavit, quod eo ipso momento, quo surgebat Timarchus vocem audierit; hincque Charmidi, quod proposuerat iter, dissuadebat, quoniam dum institutum hoc sibi indicaret, vox vestigio adfuerit. Sed quomodo hanc Platonis Sententiam cum Xenophontis asserto conciliabimus? utpote qui contrariis plane verbis Socratem introducit loquentem: Nova autem dæmonia, quomodo ob id introduco, quod mihi Dei vocem fieri afferam, quid factò opus sit significantem (l) Nisi forsan hæc ita interpretari velimus,*

B

(k) *Vide Platonem in Apologia & Theage.* (l) *Xenophon in Apologia pro Socrate. p. 146.*

mus, quod, quia s^epius ab actione aliqua revocabatur, idem quasi fuerit, ac si ipsi, quod agendum erat, fuisse dictum. Überius ad huc sententiam suam hac de re Simmias apud Platonem aperire videtur, dum genium Socratis nihil aliud quam intelligentiam quandam divinam fuisse affirmat, quæ intellectum ejus immediate prorsus illuminavit, ita ut non voce aliqua, aut signo quodam, quod in sensu occurreret, indiquerit. Quoniam enim Socrates animum habuit perfectum atq^{ue} tranquillum, cui nihil quasi commercii cum corpore intercessit, non potuit non facilius quoq^{ue} admonitiones divinas agnoscere, quas quidem alii, quorum adhuc animus variis perturbationibus obrutus, & quasi nebulis impurioribus obfuscatus est, non ita dignoscere possent ac dijudicare. Quæ de hoc argumento erudite commentatus est Maximus Tyrius (m) ea vel ideo præ ceteris legi merentur, quod singulari quadam opera hanc materiam pertractarit. Ceterum non defuerunt, qui sicut ea, quæ jam fuerunt prolata despiciunt, ita affirmare non dubitant, genium hunc Socratis non nisi naturalem ejus intellectum, atq^{ue} animam ipsam fuisse, quam scilicet more Philosophorum suum dæmonem nominavit, cum nonnunquam Philosophi, divinæ huic hominis parti tale imponant nomen. Cum quibus etiam Plutarchus facere videntur, quando, dum de Socrate loquitur, ita scribit: Nonne per nomen D^Ei propriam suam indicabat naturam? hocque confirmaturus ad loca quædam ex Menandro & Heraclito provocat, unde constare posset, non adeo inusitatum fuisse, ut intellectus hominis DEI vel Dæmonis nomine insigniretur. Nam intellectus noster est DEUS, in-

(m) Dissertatione 26. & 27.

quit

quit Menander, & Heraclitus, hominis natura est Dæmon. Quo etiam referri jure possunt, quæ Apulejus l. c. hoc modo differit: Nam quodam significatu & animus humanus, etiam nunc in corpore situs Dæmon nuncupatur.

Diine hunc ardorem mentibus addunt

Eyriale? an sui cuiq^{ue} fit Deus dira cupido?

Igitur & bona cupido animi bonus DEUS est, unde nonnulli arbitrantur, ut jam prius dictum est, eu^saluvæ, dici beatos, quorum Dæmon bonus, id est, animus viriote perfectus est. Adeoq^{ue} bonum habere dæmonem idem est, quod tranquilla & quieta mente frui, (n). Hoc igitur supposito, non injuriâ quis suspicari posset, genium Socratis nihil aliud fuisse, quam ipius animum, sive intellectum purissimum; præsertim cum quendam amicorum ipsius eum in finem descendisse in antrum Trophonii referant, ut ex oraculo disceret, quidnam propriæ spiritus ille Socratis esset; Sed hoc inde responsi tulit, supremam animæ nostræ partem intellectum communiter vocari, & ab iis, qui rectius loquerentur, dæmonem dici. Cum Socratem aliquando Simmias interrogaret, qualis Spiritus ille esset, cum quo loqueretur, nullum accepit responsum, quæ causa fuit, inquit Simmias, ut posthac nunquam de eo quæsiverit. Videlicet, hinc credere satis licebit, quod, sicut gratum ei omnino erat, cum videret, homines sibi persuadere, divinitatem sibi quandam adesse; cum hac ratione eo facilius admonitionibus suis locum darent; ita ad hanc quæstionem respondere noluerit, ne mendacium committeret, si, quod revera non ita habebat, publice afferere non dubitaret. Accedit huc, quod Patri de puerò eo etiamnum datum oraculum prædictum.

B2

Man-

(n) Conf. Plato apud Clem. Alex. Strom. 2. p. 417.

Mandabat enim, ut sineret eum, quicquid in mentem venisset agere, nec vim faceret, nec alio abduceret, sed liberam pueri appetitionem ferri pateretur; utpote qui in se ducem vitæ haberet, sexcentis Magistris superiorem. Videlicet non fas esse, ut, qui genium Socrati adfuisse existimat, eum in Socrate ipso fuisse credant, sed hunc Spiritum necessario extra eum, quasique separatum considerent. Quid quod hanc sententiam Socratem ipsum fuisse inde nonnulli deducant, quod apud Platonem (o) sequentibus utatur verbis: *Quibus favit in ipsa familiaritate potestas demonii, illi sunt, de quibus animadvertisisti illud: brevi enim proficiunt. Sed eorum partim hoc beneficium firmum habent ac durabile plerig, vero quoad mecum sunt, mirifice pollent, at ubi discesserint, nihil a ceteris differunt.* Quibus indicare videtur, genium hunc nihil aliud esse, quam judicium sive intellectum, sine cuius vigore nemo aliquam ex Philosophia utilitatem sperare possit. Confirmari hanc sententiam a Socrate existimat, quando non vocem sibi, sed vocem quamquam dixit oblatam, quo scilicet additamento indicetur, non usitatam vocem, nec humanam significari, quæ si foret frustra quamquam, quin potius aut vox, aut vox alicujus dicetur. Hinc rectius verba ea, de interna quadam voce intelligi posse, videlicet de occulta animi motione, quæ cum naturæ divinæ propius accedat, saepius quæ futura sunt nobis prædicere possit. Unde vulgarem quoq; obtinuit loquendi morem: *Mein Herhe sagte mir es wohl:* quippe nec inusitatum omnino est, ut internæ huic animæ nostræ motioni, tacitam quandam tribuanus vocem, qua de futuris præmonemur. Veruntamen

(o) in Theage ad fin. p. 12.

men sicut intellectus Socratis diu acquisita sapientia probe exercitatus, accuratori aliquanto activitate polluit, ut, quæ communem excedebant prudentiam, prævide-re potuerit: ita omnino quoq; observandum erit, quod, quoties eum Amici de rebus obscurioribus & quæ caputum judicii ipsius superabant, consuluerunt, semper eos ad Oracula dimiserit, ut inde, quid agendum, quidve intermittendum esset, cognoscerent. Exemplum ejus sat evidens suppeditat nobis ipse Xenophon (p) qui cum epistolam a Proxeno, de faciendis sub Cyro juniore stipendiis accepisset, simulatq; illam legit, profectionem suam Socrati retulit, sed ille veritus, ne esset illi fraudi apud cives suos, Cyri amicitiam expetivisse, jubet eum Delphos proficiisci, ibiq; de ea profectione Apollinem consulere. Enim vero, quid obstabat, quo minus initio statim Xenophonti iter hoc svadere posset, cum ad consilium ejus tacuisse dicatur genius. Quoniam enim tum demum vocem aliquam Socrati oblatam legimus, quoties illud, de quo quæstio erat, intermitti debebat; ne cessario sequitur quod, quoniam vocem nullam audivit, cum propositum ei suum Xenophon communica-ret, facile eum ad hoc negotium feliciter suscipiendum adhortari potuisset: præterim cum ipse mortem vel ideo non malam esse censuerit, quod, quo die morti ad-dicebatur, mane egressus domo, nullam audierit vocem, quæ ei non defuisset, si damnum ei aliquod imminuisset.

§. V.

ATque hæ quidem præcipuæ sunt Sententiæ, quæ de Socratis genio afferri posse videntur, quæ si penitus aliquanto inspiciendæ essent,

B 3

& sigil-

(p) libro 3. de expedit. Cyri minoris, p. 397.

& singillatim omnes examinandæ, non minus prolixum foret, quam arduum omnino. Quis enim veritatem in re tam abstrusa, adeo accuratam adeoq; manifestam asserere sustinuerit, ut nullum in ea dubium remanere possit. Evidem, quam postremo loco recensuimus sententiam, ex omnibus maxime probabilem, & veritati in primis consentaneam esse, haud injuria quis crederet: verum, qui communem illam, quam de Socrate æquales ipsius conceperunt opinionem, everttere plane, atq; Viris tam multis, tamq; Magnis, qui omnes existimarent, fuisse Socrati revera Spiritum quendam familiarem, sese opponere velit, eum argumenta sufficientissima in promptu habere oportet. Quæ enim de eo tradiderunt Scriptores veteres, admirationem utique merentur & vel ideo sola ex ratione profeta fuisse, a quibusdam existimari non possunt, quod nunquam in iis, quæ prædixit Socrates, tecellerit, cum tamen sæpius rationem fallere solere observaverint. Quæ heic de geniis piorū tutelaribus quidā afferunt, quibus hoc a Deo demandatum est, ut piis in omnibus semitis suis ac viis custodian, & tueantur, ad genium Socratis spectare non videntur, cuius duntaxat fuit præmonere, & a malis imminentibus præcavere. (q) Ceterum illi prorsus non audiendi sunt, (r) qui dæmonem quendam malum Socrati adfuisse credunt, præsertim si oculos juxta ac animum intendamus in Sanctos & innoxios Socratis mores in saniorem illam, quam in Græciam introduxit, Philosophiam, quamque suo ipse exemplo confirmavit, consideremus. Huc enim facit, quod non Ethnici

(q) *Vid. Beckm. Doctr. moral. p. 91. & 92.* (r) *Tertullianus de anima,*

cismo solum addisti Philosophi eum post mortem, veræ Philosophiæ promum condum habuerint, verum etiam Christiani virtutes ejus singulares admirati sint. Etenim D. *Justinus Martyr* (s) non dubitat eum Christianum pronunciare, insuperque affirmare, Diabolum mortis ejus extitisse causam, quod superstitionibus infensus, a turpissimo idolorum cultu homines avocare conaretur. *Lactantius* (t) Scite admodum de justitia & vera religione differens, his tandem verbis concludit: quod si justitiae defensionem vel ipse (Plato) vel quilibet alius impere voluisset, in primis religiones Deorum everttere debuisset, quia contrarie sunt Pietati. Quod quidem Socrates, quia facere tentavit, in carcerem conjectus est, ut jam cum appareret, quid esset futurum iis hominibus, qui justitiam veram defendere, Deoque singulari servire coepissent. Ut Socratis a Theodoreto factam defensionem nunc non commemoremus. Fieri itaque non potuit, ut, qui veram virtutem non solum ipse excoluit, verum etiam alios, ad eam amplectendam sedulo hortatus est, ille mali cujusdam Dæmonis consortio frui jure dici possit. Quod si hunc sibi habuisset præsentem, nullo modotam piam, tamque egregiam de DEI bonitate atque providentia profiteri potuisset Doctrinam, nec mortales ab iis vitiis, in quæ omni conamine præcipitare eos mali dæmones laborant, avocasset, nec ullo denique pacto tantam, qua prædictus erat, animi tranquillitatem obtinuisset. Plura quæ circa nobilissimum hoc argumentum ventilari possent, & si hoc præsens rerum nostrarum habitus permitteret, etiam deberent, heic silentio in volvimus, eruditio Lectori integrum

(s) *In apologia pro Christianis. c. 2.* (t) *De Justitia Libro V. cap. 14.*

integrum relinquentes illam amplectendi sententiam;
quæ melioribus suffulta rationibus ipsi maxime arride-
re videatur, quandoquidem nullas heic Palæmonis
partes in nos suscipiamus, ut tantas componere
lites aggrediamur.

SOLI DEO GLORIA.

